

South Sotho - Rapela Dipesaleme - Praying WP Psalms 2017

Dipesaleme 68:1 Modimo a o ke o tsohe, dira tsa wona di ke di qhalane, le ba o hloyang ba ke ba balehe pela wona!

Dipesaleme 5:9,10 lehano la bona ke lebitla le ahlamileng, ba qeka ka leleme la bona. 10 O ba otle, Modimo, ba dihuwe ke merero ya bona. O ba dihe ka baka la dibe tsa bona tse ngata, hobane ba ikgantsreditse wena.

Dipesaleme 7:1,2 Jehova, Modimo wa ka, ke balehela ho wena; o mpoloke ho bohole ba ntlhorisang, mme o ntokolle; 2 esere sera sa nthusolla jwaloka tau, sa ntshetlakela ha ke hloka monamoledi.

Dipesaleme 11:6 O nesetsa bakgopo mashala le mollo le sebabole; moyo o tjhesang ke sona senwelo seo ba se abetsweng.

Dipesaleme 18:2 wena Jehova, lefika la ka, qhobosheane ya ka, monamoledi wa ka, Modimo wa ka, lefika la ka leo ke tshabelang ho lona, thebe ya ka, lenaka la poloko ya ka, le qhobosheane e phahameng ya ka!

Dipesaleme 18:14 A betsatsa metsu ya hae, a ba qhalanya ka yona, a tsekemisa mahadima a sa balweng, mme a ba qhemetsa.

Dipesaleme 18:17 A nnamolela ho sera sa ka se matla, le ho ba ntlhoileng ba mphetang ka matla.

Dipesaleme 18:39 O ntlamile ka matla ke tle ke Iwane, wa nkokobeletsa ba ntsohetseng matla.

Dipesaleme 18:45 bara ba ditjhaba ba tepeletse, ba tswa diqhobosheaneng tsa bona ba thothomela.

Dipesaleme 18:48 o nnamolelang direng tsa ka! O mphahamisitse hodima ba neng ba ntwantsha, o mphonyohisitse ho monna ya bohale!

Dipesaleme 23:3 O hlabolla moyo wa ka; o ntsamaEsaia mehlaleng ya ho loka, ka baka la lebitso la hae.

Dipesaleme 27:11 Jehova, o mpontshe tsela ya hao, o ntsamaise tseleng e lokileng, ka baka la bao e leng dira ho nna.

Dipesaleme 31:15 Matsatsi a ka a letsohong la hao, o nkgule letsohong la bao e leng dira ho nna, le ho ba mphallelang!

Dipesaleme 34:4 Ka na ka batla Jehova, mme a nkaraba, a ba a mpholosa ho tshabeng ha ka kaofela.

Dipesaleme 34:7 Lengeloi la Jehova le lara pela ba mo tshabang, le a ba boloka.

Dipesaleme 34:13 tshabiso leleme la hao bolotsana, o phemise melomo ya hao dipolelo tsa ho thetsa; 14sesefa bobo, o etse botle; batla kgotso, o e latelle.

Dipesaleme 34:17-19 Ba lokileng ha ba howa, Jehova o a ba utlwa, o ba imolla matswalong a bona kaofela. 18 Jehova o haufi le ba pelo tse

robekileng, o thusa ba meya e teteditsweng. 19 Mahlomola a ya lokileng a mangata; empa Jehova o mo ntsha ho wona kaofela;

Dipesaleme 35:1-8 **Jehova, o tsekise ba ntsekisang, o Iwantshe ba ntwantshang. 2 Nka thebe le thejana, o eme ho tla nthusa. 3 O tsomole lerumo la hao, o thibele ba mphallelang! Ere ho moyo wa ka: Ke nna poloko ya hao! 4 Tshwabo le dihlong di ke di apese ba batlang moyo wa ka, ba suthe kasanthao ba tsielehile, bona ba rerileng tshenyeho ya ka. 5 Ba be jwaloka mooko o fefolwang ke moyo, lengelo la Jehova le ba lelekise. 6 Tsela ya bona e ke e be e lefifi, e thelle, lengelo la Jehova le ba lelekise! 7 Hobane leha ho bo ho se molato, ba tjhekile lemena pela maoto a ka, ba tjhekete bophelo ba ka feela. 8 Tshenyeho a e ke e ba wele hodimo ka sehloho; ba ke ba tshwaswe lerabeng leo ba le patileng, ba wele teng, ba timelle ho lona!**

Dipesaleme 35:10 **Masapo a ka kaofela a tla re: Jehova, ke mang ya jwaloka wena; ya ka bolokang ya madimabe ho ba mo hlolang ka matla, ya madimabe le mofumanehi ho batlatlapi ba bona?**

Dipesaleme 36:7-9 **Modimo, mohau wa hao o rateha hakakang! Bana ba batho ba balehela moriting wa dipheo tsa hao; 8 ba kgora ke nala ya ntlo ya hao, o ba nosa dinokeng tsa menate ya hao. 9 Hobane sediba sa bophelo se ho wena; re bona lesedi leseding la hao.**

Dipesaleme 37:5 **O laeletse tsela ya hao ho Jehova, o mo tshepe; ho tla sebetsa yena.**

Dipesaleme 37:23,24 **Jehova o tiisa metsamao ya ya lokileng, o kgahliswa ke tsela ya hae; 24 leha a ka wa, ha a welle ruri, hobane Jehova o mo nenesa ka letsoho.**

Dipesaleme 37:40 **Jehova o a ba thusa, o a ba boloka; o ba namolela ho ba babe, o a ba pholosa, kahobane ba beile tshepo ya bona ho yena.**

Dipesaleme 39:1 **Ke ne ke itse: Ke tla fadimehela ditsela tsa ka, ke tle ke se ke ka seba ka leleme la ka; ke tla bea sethibelo molomong wa ka, ha e mobe a sa ntse a le pela ka.**

Dipesaleme 41:4 **Ke ne ke itse: Jehova, o nkutlwale boholoko, o fodise moyo wa ka, hobane ke o sitetswe.**

Dipesaleme 42:5,11 **Moya wa ka, o hlareleng, o nyarohetseng kahare ho nna? O itshepele Modimo; ke sa tla o roka; sefahleho sa wona ke poloko. 11 Moya wa ka, o hlareleng, o nyarohetseng kahare ho nna? O itshepele Modimo; ke sa tla o roka, ke Mmoloki wa ka le Modimo wa ka. (Dipesaleme 43:5)**

Dipesaleme 43:1 **Oho Modimo, o nkahlolele, o nkemele ho setjhaba se se nang mohau! O mpoloke ho motho ya leshano, ya kgopo.**

Dipesaleme 44:4 **Modimo, ke wena Morena wa ka! o laole topollo ya Jakobo!**

Dipesaleme 51:4 **Ke sitetswe wena, wena o nnotshi; ke entse ho leng hobe**

mahlong a hao; ke moo ho loka ha hao ho tla bonahala ha o bua, le hlweko ya hao ha o ahlo.

Dipesaleme 52:5 Empa le wena Ya matla wohle o tla o senya ka ho sa yeng kae, o tla o tshwara, a o pshemole tenteng ya hao, a o fothole lefatsheng la ba utlwang. (Sela.)

Dipesaleme 54:7 hobane o ntopolotse ditsietsing tsa ka kaofela, mme mahlo a ka a bone tshenyeho ya bao e leng dira ho nna.

Dipesaleme 55:18 O tla ntlosa ke pholohile ntweng ena ba ntwantshang ka yona, leha ba ntwantshang ba le bangata.

Dipesaleme 59:2 O nnamolele ho banna ba etsang hampe; o mpoloke ho banna ba madi!

Dipesaleme 60:12 Ka Modimo re tla hlola, ke wona o tla hatakela dira tsa rona.

Dipesaleme 63:11 Empa morena o tla ithabela ho Modimo; bohle ba anang ka wona ba tla nyakalla; hobane melomo ya ba bolelang mashano e tla thijwa.

Dipesaleme 66:3 Ereng ho Modimo: Mesebetsi ya hao e tshabeha hakakang! Ka baka la boholo ba matla a hao, dira tsa hao di ipea katlase ho wena;

Dipesaleme 68:6 Modimo o lokisetsa ba qhalaneng bodulo, o lokolla ba tshwerweng ho ba kenya naleng; empa bakwenehi ba ikahella naheng e tshehla.

Dipesaleme 68:35 Modimo, o a tshabeha o le sehalalelong sa hao! Ke Modimo wa Israele o neang setjhaba sa wona matla le borena. Modimo a o rokwe!

Dipesaleme 70:1 Oho Modimo, o ke o mpoloke; Jehova, phakisa ho tla nthusa!

Dipesaleme 71:4 Modimo wa ka, o nnamolele diatleng tsa monyefodi, le letsohong la molotsana, le la motubi.

Dipesaleme 71:13 A di ke di swabiswe, di fele, dira tsa moywa ka tse batlang tahleho ya ka, di ke di apeswe ke dihlong le nyediso!

Dipesaleme 72:12 Hobane o tla boloka ya lesitsi ha a howa, le ya madimabe ya hlokang mothusi;

Dipesaleme 76:12 O rapalatsa boikgohomoso ba mahosana, a tshabeha ho marena a lefatshe.

Dipesaleme 79:9 Oho Modimo wa poloko ya rona, ka baka la kganya ya lebitso la hao, o re thuse, o re namolele, o re tshwarele dibe tsa rona, ka baka la lebitso la hao.

Dipesaleme 86:17 O etse pontsho bakeng sa ka ya hoba o molemo ho nna, e tle e bonwe ke dira tsa ka, di ke di swabe! hobane, Jehova, o a nthusa, o a ntshedisa.

Dipesaleme 91:14,15 Erekaha a beile lerato la hae ho nna, ke tla mmoloka, ke mmee qhobosheaneng e phahameng, kahobane a tsebile lebitso la ka.

15 O tla bitsa ho nna, mme ke tla mo araba; ke tla ba haufi le yena matswalong, ke mo ntshe ho wona, ke mo tlotshe.

Dipesaleme 92:11 bahanyetsi ba ka ba tla thabisa mahlo a ka, ditsebe tsa ka di utlwe tshenyeho ya ba bolotsana, ya ba mphahamelang.

Dipesaleme 103:10 Ha a ka a re etsa kamoo dibe tsa rona di leng kateng, ha a ka a re putsa ka moputso wa makgopo a rona.

Dipesaleme 104:9 O beetse metsi meedi hore a se hhole a e tlola, a se ke a boela a apesa lefatshe.

Dipesaleme 107:6 Ba howa ho Jehova matswalong a bona, a ba lopolla ditsielehong tsa bona;

Dipesaleme 118:10,12 Ditjhaba kaofela leha di ka mpokanelo, ruri, ka lebitso la Jehova, ke tla di qhalanya! 12 Leha di ka mpokanelo jwaloka dinotshi, di tla tingwa jwaloka mollo wa meutlwa. Ruri, ka lebitso la Jehova, ke tla di qhalanya.

Dipesaleme 121:7,8 Jehova o tla o sireletsa bobeng bohle; o tla boloka moywa hao. 8 Leha o ka tloha, leha o ka kgutla, Jehova o tla o baballa, jwale le ho isa ho sa feleng.

Dipesaleme 138:3 Eitse ha ke bitsa, wa nkaraba, wa nnatlafatsa, matla a kena moyeng wa ka.

Dipesaleme 140:1,4,5 Jehova, o nnamolele ho batho ba babe; o ntwele ho batho ba bohale, 4 Jehova, ntshireletse letsohong la e mobe, o mpoloke ho batho ba bohale, ba rerang ho kgothometsa maoto a ka! 5 Baikakasi ba mpatetse mamena le maraba, ba tjheha difi mosikong wa tsela, ba ntjhehetse mamena. (Sela.)

Dipesaleme 142:6 O mamele modumaelo wa ka, hobane ke hlomohile haholo; o ntopolle ho bahlorisi ba ka, hobane ba mpheta ka matla.

Dipesaleme 143:9 Jehova, o ntopolle direng tsa ka, hobane ke balehela ho wena.

Dipesaleme 147:14 O bea kgotso meeding ya hao, o o kgorisa ka moko wa koro.

Dipesaleme 149:6-9 Dithoko tsa Modimo di ke di be melomong ya bona, le marumo a mahale a mabedi diatleng tsa bona, ho sebetsa phetetso ditjhabeng, 7 le kgalemelo merabeng, ho tlama marena a tsona ka mahlaahlela, 8 le mahosana a tsona ka ditshepe; 9 ho phetha ho bona kahlolo e ngodilweng. Ke yona kganya e boloketsweng bakgethwa ba hae kaofela. Bokang Jehova!